

重定周易費氏學

下經二

周易費氏繫五

三三乾下兌上
中爻重乾

夬反古快揚于王庭孚號有厲告自邑不利卽戎利有

攸往語類云兌爲口故多言號彖曰夬決也剛決柔也鄭康成曰以漸消去

小人謂健而說決而和郭雍曰有乾之健故能揚于

王庭柔乘五剛也其昶案兌口爲號令書契五王位爲王庭五剛浸長一柔乘之其勢

必決斷書契在王庭之上宣揚決斷之力尤大故夬

之義爲決而其象爲書契周官司寇建三典懸于象

魏使萬民觀之孚號有厲其危乃光也其昶案書契以孚爲本以

揚于王庭也號爲用所以防民之姦僞也而姦僞卽伏於中柔乘

五剛卽有其象故須常懷危厲必決去一陰而全體

夬

抱潤軒

光明

告自邑不利卽戎所尙乃窮也

王弼曰以剛斷制告令可也尙

力取勝物所同疾○孔穎達曰專用威猛卽是決而不和其道窮矣○其昶案不教而誅謂之虐

利

有攸往剛長乃終也

漢志云易曰上古結繩以治後世聖人易之以書契百官以治

萬民以察蓋取諸夬夬揚于王庭言其宣揚於王者

朝廷其用最大也○虞翻曰陽息陰消君子道長故

利有攸往乾體大成○李翱曰自古小人在上最爲

難去蓋得位得權而勢不能搖奪夬一陰在上五陽

並進以剛決柔宜若易然乃爻辭俱險而肆蓋一小

人猶在上故繇曰剛長乃終也○王安石曰上六乘

九五之剛眾陽比五親決五爲王位故曰王庭決去

邪柔當先明信其法宣其號令一小人猶在上故須

常懷危厲○吳曰慎曰復利有攸往如平地之一簣

故喜其進而曰剛長也夬利有攸往如九仞之尙虧

一簣故恐其止而曰剛長乃終也○沈夢蘭曰夬者

決斷之謂王庭天子之外朝也小司寇掌之爲詢萬

民之所當決之時事在必行先揚於王庭而告誡之
孚號有厲如書云率籲眾威出矢言也在國者揚于
王庭矣猶恐偏隅鄉曲不盡知也又自其邑而徧告
之有不率俾者非事有不便卽意有未喻也威劫而
行之是拂百姓而從己之欲故不利卽
戒也如此則上下一心利有攸往矣
象曰澤上於

天夬君子以施祿及下居德則忌

陸績曰水氣上天
決降成雨故曰夬

○其昶案澤氣上騰其及下與否亦視其決不決爾
今不下究而上於天有屯膏之象故曰居德則忌居
者稽留而不決也德謂德惠卽指施祿忌說文云憎
怨也出納之吝謂之有司刻印不與項羽所以失天
下之初九壯于前趾往不勝爲咎象曰不勝而往咎
也王弼曰居健之初爲決之始宜審其策以行其事
往而不勝宜其咎也不勝之理在往前也○歐陽
修曰聖人之用剛常深戒於其初○蘇軾曰大壯之
長則爲夬故夬初與大壯初无異○本義云居下任

夬

壯不勝宜矣○王宗傳曰壯于前趾先眾而動之象○毛璞曰往不勝爲咎者遠慮也所以戒其往也

九二惕號莫

古文暮

夜有戎勿恤象曰有戎勿恤得中

道也

橫渠易說云能孚號而有厲也以必勝之剛決至危之柔能自危厲有戎何恤○程傳云內懷

兢惕而外嚴誠號雖莫夜有兵戎亦可勿恤矣○其

昶案惕號告自邑也一陰居兌上兌爲日入莫夜之

象重門擊柝以待暴客有備无患何恤於戎九三壯

若初壯前趾三壯于頄則皆所謂卽戎者矣

于頄

音求鄭作頄

有凶君子夬夬獨行遇雨若濡有愠无

咎

荀爽曰一爻獨上與陰相應故遇雨○崔立曰頄頄間骨

象曰君子夬夬終无

咎也

陸希聲曰當君子之世獨應小人外有沾汚之累然終獲无咎志有存焉○王安石曰頄在上

而見於外九三體乾之上剛亢外見夬夬者必乎夬

之辭應乎上六疑於汚也君子所爲眾人不識若濡

則有愠之者矣和而不同有夬夬之志焉何咎之有
○沈該曰在夬而善處嫌疑之地者也有凶非必凶
也戒也○本義云溫嶠之於王敦其事類此○其飛
案九三壯頤之戒以體乾互乾也其重剛不可變故
曰君子夬夬九四臀反徒敦无庸其行次且牽羊悔亡
君子謂陽

聞言不信

虞翻曰兌為羊四之正得位承五故悔亡坎為耳○馬椅曰分二體取象下卦上為

頤上卦下為臀○鄭剛中曰噬嗑剝言膚皆陰爻

象曰其行次且位不當也

聞言不信聽不明也

新序云詩云駕彼四牡四牡項領夫久駕而長不行項領不宜

乎易曰臀无膚其行超超此之謂也○王肅曰超起
行止之礙也○李鼎祚曰四為臀當陰柔今反剛陽
故曰臀无膚○本義云以陽居陰不中不正居則不
安行則不進○趙彥肅曰夬之四說上六而不決姤
之三望初六而不去同體故也○其昶案四雖剛而
位不當次且其行羸困莫能興也夬不利即戎況四
夬

居兌之柔體者乎若能自屈服化陰承五則可以決
上六之陰而悔亡矣左傳鄭伯肉袒牽羊以逆往云
示服爲臣僕是牽羊者古諸侯屈服行成有此禮也
故以告四兌口爲言四化則坎聰離明矣聞言不信
聰不明者惜四之次且九五覓反胡練陸夬夬中行无
咎朱震曰兌爲象曰中行无咎中未光也橫渠易說
陰不能无累故必正其行然後免咎○本義云覓陸
威陰氣之多者五爲夬主而切近上六之陰如覓陸
然○項安世曰當夬者上六也三應之五比之嫌其
不能夬也故皆以夬夬明之比於陰而能自夬以保
其中故可免咎○鄭汝諧曰本草云覓陸一名商陸
根至蔓雖盡取之而旁根復生小人之類難絕如此
○胡炳文曰夬三月卦覓始生之時姤五月卦瓜始
生之時故以取象○姚配中曰春秋傳云爲國家者
見惡如農夫之務去草焉絕其本根勿使能殖五爲
陰所揜故中未光剛長至上決陰使盡則所謂其危

乃光者也○其昶案乾鑿度云斷制除害全物爲務是以夫之九五言決小人蓋中光則纖翳不存中未光故莧陸生焉孟子曰山徑之蹊閒介然用之而成路爲閒不用則茅塞之矣中行无咎行卽用也利有攸往也行之而光發九達之達萬人所用自无莧陸之感所謂斷制除害全物爲務也 上六无號終有凶象曰无號之凶終不可長也鄭杲曰號承

三三

巽下乾上
中爻重乾

姤

反古豆

女壯勿用取女

其昶案巽長女稱壯初六失正故勿用取女與蒙三同陽

姤

易

四

抱獨軒

始生即得正。陰始生即失正。故陰陽有淑慝之分。而聖人有扶抑之教。彖曰姤遇也柔

遇剛也。勿用取女不可與長也。趙善譽曰陽至四而

畫已曰女壯。聖人防微杜漸之意。鄭杲曰此兩言是戒。以下是法。其昶案與長猶言助之使長也。

天地相遇品物咸章也。剛遇中正天下大行也。姤之

時義大矣哉。司馬光曰世之治亂人之窮通事之成敗遇不遇而已矣。邵雍曰復次剝明

治生於亂乎。姤次夬明亂生於治乎。陰始遇陽履霜之謹其在此乎。蘇軾曰九二亡而後為遯始无臣也。九五亡而後為剝始无君也。姤之世上有君下有臣。君子之欲有為无所不可。故曰天下大行。○李元量曰夬一陰不為主者陰來而信也。故曰柔遇剛。月建一陰五陽不為主者陰來而信也。故曰柔遇剛。月建一陰月日裝賓則陰為主而陽已為之賓矣。○李舜臣曰一陰之生是為五月萬物相見乎離而蕃衍乎大夏

非品物咸章而何○項安世曰小人方壯引以爲配
必至滅剛故曰勿取遇與取不同遇如君遇民臣遇
君分未嘗廢取則一與之齊不可復制矣○俞琰曰
夫上轉爲姤初向嘗夫之今又遇之也○吳澄曰乾
天也初六坤之下畫地也四月純乾五月一陰始生
於下而與乾遇也○其昶案氣力浸強爲壯陰氣浸
強陽當制陰勿助之使長故曰勿用取女如是則象
陰不爲害且有剛柔相遇之美此姤之時義也

曰天下有風姤后以施命詰鄭王肅四方晉冬夏二

議云夏至少陰肇啟殺氣始興否剝將至宜鳴鼓開
關興兵駭旅施命四方詰其逆兆以遇小人方長之
害二至之義否泰道殊休戚互異寢鼓之教不宜同
也○龔煥曰姤與觀相似姤曰施曰詰自上而下天
下有風之象也觀曰省曰觀周歷徧覽風行地上之
象也○惠士奇曰姤一陰生姦慝將萌故禁止之書
云度作祥刑以詰四方○胡遠濬曰初六繫于金柅
積氣之下陰遇陽而爲風故曰姤

乃履 貞吉有攸往見凶羸 反 豕孚蹢躅 直 載 躅 直 錄

虞翻曰 杞謂二也 巽為繩 乾為金 巽木入金 杞之象

○王肅曰 杞織績之物 王弼曰 羸豕牝豕 陸德

明曰 杞說文作 綈云 絡 象曰 繫于金 杞柔道牽也 九

絲 跌也 蹢躅不靜也 象曰 繫于金 杞柔道牽也 家

云 絲繫于杞 猶女繫于男 喻初宜繫二也 胡炳文

曰 一陰甚微 故於豕為羸 壯可畏也 羸不可忽也 〇

惠士奇曰 牽說文云 引前也 象引牛之縻 又云 臣牽

也 象屈服之形 臣服於君 妻服於夫 子服於父 故謂

之 牽牛雖大 物五尺之童 能服之 蓋得牽之道也 姤

一陰氣上與陽始爭 能屈服之 則貞吉 初曰柔道牽

屈而服之 之謂也 〇吳汝綸曰 夏小正 雞孚 粥傳云

孚 姤伏也 言陰雖始微 然已 姤伏 葦孕於內 蹢躅然

動矣 此戒陽也 〇其昶案 剝復 夬 姤 論陰陽消長之

幾 姤一陰始生 安靜承陽 乃得其道 繫者 繫於陽而

不變也 若動而化 陽陰甫生 而遽絕 九二 包有魚 无

之 失天地相遇之道 則其凶立見矣

咎不利賓

虞翻曰魚謂初陰陰陽相承故包有魚无咎

象曰包有魚義不

及賓也

李綱曰方姤之時其權在二使二能制初則剛柔相遇常為姤而已不能制之柔道浸長

而變二之剛則四陽皆為姤之遯○本義云二與初遇

為包有魚之象制之在己猶可无咎○易祓曰陽包

陰故三爻皆言包○其昶案公食大夫禮云有司卷

三牲之俎歸于賓館魚腊注云魚腊非正牲又公食禮

苞牲取下體不以魚腊注云魚腊非正牲然則歸俎于賓

魚腊醬酒不祭注云非食物之盛者然則歸俎于賓

魚腊不與亦以魚腊非盛饌爻言不利賓利者宜也

謂其義不宜及賓也二以魚腊遇初盡其才而不逾

其分則得所以牽柔之道九三臀无膚其行次且厲

記云禮不下庶人是其義九三臀无膚其行次且厲

无大咎

李簡曰居則臀在下故困初言臀行則臀在中故夬姤三四言臀

象曰其行

次且行未牽也

孔穎達曰陽之所據居不獲安上又無體之上无陰可據居不獲安上又無

姤

易上

六

抱潤軒

應同於夬四之失據○其昶案夬四姤三取象同然其位有當不當之別夬四宜變姤三不變可也行未牽者承夬爻辭謂不必九四包无魚起凶象曰无魚化陰而卑服牽羊也

之凶遠民也胡瑗曰得道者多助失道者寡助四居傳云遇之道君臣民主夫婦朋友皆在焉四以下睽故主民而言爲上而下離必有凶變起者將生之謂民心既離難將作矣遠民者已遠之也爲上者有以使之離也○惠士奇曰四之民四自遠之非人奪之則四之凶四自起之非天作之民四可近不可遠遠民所以起凶○其昶案無羊之詩曰眾維魚矣實維豐年毛傳陰陽和則魚眾多矣今包无魚是陰陽不和之徵也五行志云魚陰類民之象蓋初四之應必剛下柔上其情乃專知屯初九應六四爲大得民卽知姤九四應初六之爲遠民四本失位又重剛不中論應則情亢論包則位隔動之正又兩陰不應是九五四之與初乃近而不相得者也故有遠民之凶九五

以杞包瓜含章有隕自天

虞翻曰隕落也巽為杞乾為天○朱震曰杞似樗葉

大而蔭○蘇軾曰金杞包杞皆九二也豕魚瓜皆初六也

象曰九五含章中正也

有隕自天志不舍命也

子夏傳云瓜陰實蔓生象陰之來縣縣未已○蘇軾曰陰

長消陽天之命也有以勝之剛中包初六之柔脆用賢廢志○游酢曰以九二之剛中包初六之柔脆用賢

得民之象○李綱曰柔生於下如將蔓之瓜以杞包

之使得所附則柔道牽而不長二居巽體象杞以之

者五也○錢一本曰九五中正合下三陽撰重乾以

為包一柔在初遂成品物之章○孫奇逢曰含章中

正是志與天命相周旋也○王夫之曰九五以含章

為志不委之於命而必欲護之以止潰亂乃大人立

命之德惟剛健中正足以當之人而天矣○葉酉曰

夬之上為姤之初所謂有隕自天也○其昶案瓜柔

蔓附物以生為圖者植杞瓜田使得所依蔭有包之

象焉天地相遇品物咸章瓜亦品物之一也坤三含

姤

卷之六

二

抱潤軒

章可貞本爻變而之正此云含章有隕自天本爻中正不變而初變故云有隕自天五上為天隕者初也蓋陽極陰生自天而降是之謂命扶之植之俾成品物之章則志也志不舍命者命所至志即赴之不徒委於上九姤其角吝无咎象曰姤其角上窮吝也其命也

案角者偏隅之區二五為中正相遇初上皆角也陰陽之氣每至角而變陽窮於西南之角而遇陰陰窮於東北之角而遇陽覆夬之上為姤之初陰陽各居其一角而相遇他爻不言姤而上獨曰姤其角者明上與初非不遇特其角焉耳雖遇而陽已窮故吝時義當然故无咎

三三 坤下兌上 中爻艮巽

萃 陸虞竝无亨字 鄭王假有廟利見大人亨利貞用

大牲吉利有攸往 鄭康成曰大牲牛也言大人有嘉會時可幹事必殺牛而盟盟則可

以往○虞翻彖曰萃聚也順以說剛中而應故聚也

張浚曰順以說得民王假有廟致孝享也陸績曰王

也剛中而應得賢也五廟上也

王者聚百物以祭其先諸侯助祭於廟中假大也言

五親奉上矣○許桂林曰凡稱王者皆謂商王此文

王愛君之至隨在有利見大人亨聚以正也用大牲

陳善閉邪之意者也

吉利有攸往順天命也張惠言曰周官時會以發四方之禁鄭注諸侯有不順服

者王將有征討之事則既朝王命為壇於國外合諸

侯而發禁命事焉觀禮注云凡會同者不協而盟是

會同有盟也經先言假廟見大人次言用大牲觀其

象又言除戎器械不虞則此為時會發禁審矣

所聚而天地萬物之情可見矣王符曰否泰消息陰陽不並觀其所聚而

興衰之端可見也○王弼曰情同乃聚氣合乃羣○

程傳云建立宗廟所以致其孝享之誠也祭祀人心

所自盡也故萃天下之心者无如孝享然聚不以正
則人聚爲苟合財聚爲悖入安得享乎故利貞○王
宗傳曰觀坤兌順說而知上下之萃觀二五之相應
而知君臣之萃觀致孝以享廟而知人神之萃觀天
命之不可不順而又知天人之萃○趙汝楳曰聚必
有主天下主王者以聚其生王者主宗廟以聚其民
君子將營宮室宗廟爲先有廟者萃人心之本○雷
思曰得萬國之歡心四海之內各以其職來祭然後
可以謂之有廟而致孝享此謂天子之孝○胡炳文
曰咸之情通恆之情久萃之情一○其昶案萃與比
不同比爲開創一統之規萃則由渙而求聚其聚不
易殆王者中興時乎爻多亂嗟涕洟之象以此也人
情念舊而喜合惟天亦然董子曰自非大无道之主
天盡欲扶持而安全之故觀其所聚而天地萬物之
情可見矣象曰澤上於地萃君子以除戎器戒不虞
說苑
法曰國雖大好戰必亡天下雖安忘戰必危夫兵不
可玩玩則无威兵不可廢廢則召寇易曰君子以除

戎器戒不虞○陸績曰除猶修治也○王弼曰聚而
无防則眾生心○孔穎達曰澤上於地則水潦聚○
項安世曰水以氣言坎離主之山澤以形言艮兌
主之○水之氣可在地上水之形不可在地上必置防
以聚之○王申子曰澤上有地臨則聚澤者地岸也
澤上於地萃則聚澤者隄防也以隄防聚澤則有潰
決之憂故君子觀初六有孚不終乃亂乃萃若號一
此象爲治世之防
握爲笑勿恤往无咎○鄭康成曰握讀夫三爲屋之屋
氏作握案釋言握具也與屋同訓坤爲眾象曰乃亂
人三亦爲眾本義云眾以爲笑即本康成象曰乃亂
乃萃其志亂也○俞珍曰四五同體初往從四亦可因
云夫三爲屋屋三爲井又注匠人云三夫爲屋屋具
也一井之中三屋九夫三三相具以出賦稅戰國策
云堯无三夫之封三夫爲一屋也一屋謂坤三爻○
其昶案初者事之始有孚不終溯其始也惟其孚不

終而志亂然後有待於萃故曰乃亂乃萃若號承有孚而言號即孚之發於外者也當眾人志亂之時初獨號召求萃以爲志不可亂宜爲同井之所笑老子云下士聞道大笑之不足爲道故勿恤也失位爲悔義當應六二引吉无咎孚乃利用禴羊略反四故往无咎六二引吉无咎孚乃利用禴馬融曰禴殷春象曰引吉无咎中未變也王弼曰禴四時祭祭名象曰引吉无咎中未變也之省者也居聚之時處於中正而行以忠信可以省薄薦於鬼神也○橫渠易說云凡言利用禴皆誠素著白幽明之際○趙彥肅曰孚者二五交也○馮椅曰下卦中爻多引其類如泰小畜是也本爻與五正應引初六六三以萃於五爲得君臣之大義○汪烜曰二柔順中正處羣陰之間能引其羣以萃於五所謂利見大人亨利貞者也中未變承初之志亂而言○彭申甫曰嘉會之時能引上下二陰而來萃此睦鄰之善者也○其昶案禴禴字通王制宗廟之祭春日禴鄭注此蓋夏殷之祭名周則改之春日禴夏曰禴皇氏曰禴薄也

春物未成其祭品鮮薄也文王六三萃如嗟如无攸

利往无咎小吝象曰往无咎上巽也李簡曰三至五

无咎者以四五巽而可入也○吳澄曰三雖无應而

比近九四之陽成巽體故曰上巽○其昶案六爻唯

三上无應又俱值窮位一嗟一吝求萃不得也故无

攸利然天命不可不順四五爲萃之主合諸侯而發

禁命事三若比四以萃五雖位不當小吝然當萃九

時不能自外於會同之盟故三與初皆曰往无咎九

四大吉无咎象曰大吉无咎位不當也房立齡曰大

瘁始終无玷可免專民之咎○程傳云上比九五下

比羣陰得上下之聚然以陽居陰非正也故必大吉

然後无咎○蘇軾曰非其位而有聚物之權非大吉

則有咎矣○胡炳文曰五曰萃有位以見四之萃非

有位也○葉酉曰言无咎以其宜於有咎而无之也

與大壯六五位不當同彼宜於有悔此宜於有咎也

○彭申甫曰四以陽剛而近於五乃周召分陝之九任共和爲政之時其萃也上下一心君臣同德

五萃有位无咎匪孚元永貞悔亡象曰萃有位志未

光也沈該曰以中正當位居尊是以无咎體長人之德長守其正則民終歸之○王申子曰五有其

位而猶有未孚是萃天下之志未光大也○姚配中曰

曰爻許其既孚以後傳推其匪孚以前○姚配中曰

乾元得位不化故元永貞悔亡感應之效唯君最速

○其昶案九五位號猶存人心思聚有位故可萃志

未光故尚有匪孚者而待於萃四五同德萃於上乃

能萃天下之眾不以卦有二陽而疑也疑則不能萃

矣諸卦九五不言有位此獨言者明其位五所固上

有諸爻皆當來萃也萃其所固有故六爻皆无咎

六齋將池反咨涕洟无咎鄭康成曰齋咨嗟歎之辭象

日齋咨涕洟未安上也王弼曰內无應援處上獨立

近遠无助危莫甚焉懼禍之

深不敢自安故得无咎○唐鶴徵曰比上險終絕无求比之意故凶萃上說體實有求萃之心故无咎○方應祥曰比上以比之最後而凶萃上亦以萃之最後而有未安其憂懼若此正所謂孤臣孽子也○黃滔耀曰上乃不得於君親者齎咨涕洟極言怨艾求萃之情○其昶案上六得位而不敢安乘剛故也惟其未安是以无咎

三三 巽下坤上
中爻兌震

升元亨用見大人勿恤南征吉鄭康成曰升上也木謂之升升進益之象矣○代淵曰尊爻无大人故曰用見○徐幾曰大人二也五當應二也用見九二剛中之臣以升於德○林栗曰巽東南坤西南自巽升坤必涉乎離離南方也彖曰柔以時升巽而順剛中而應是以大亨虞翻曰柔謂坤五也升謂二○其昶案柔

者地也陰也升者木也陽也地以時升木柔以時而
升陽也剛中而應則升矣巽坤南方維卦於時爲夏
董子言陽長居大夏而以用見大人勿恤有慶也其
生育長養爲事是其義
案凡升皆以漸王道尤无近南征吉志行也乾鑿度
功勿恤者勿憂進益之不速
十二月之卦陽氣升上陰氣欲承萬物始進○徐幹
曰先民有言明出乎幽著生於微故君子修德始乎
筌艸終乎飴背創乎夷原成乎喬嶽易曰升元亨用
見大人勿恤南征吉積小致大之謂也○張浚曰木
在地中其本既盛二陽之氣並進上達莫之禦矣自
巽而離自離而坤柔道正位於離而成物於坤曰時
升○沈該曰巽在下木道方生坤在上地道上行地
以生物爲德五居坤體而應二坤以順道容而生之
也木之升由於陽道之升由大人○李舜臣曰元亨
與蠱鼎大有同皆主九二陽剛有應於上而言也○
吳汝綸曰升謂陽升也太玄擬之爲上爲干上首云
陽氣育物於下物咸射地而登乎上千首云陽氣扶

物而鑽乎堅鈴然有穿皆主陽爲說二陽上進故曰元亨春秋繁露云陽氣始出東北而南行就其位也轉西而北入藏其休也陽以北方爲休象曰地中生南方爲位殆古易家說故曰南征吉

木升君子以順德積小以高大何妥曰君子謹習爲

小以至高大○孔穎達曰地中生木始於毫末終至

合抱君子象之以順行其德積小善以成大名○程

傳云萬物之進皆以順道學業之充實道德之崇高

皆由積累而至○郭雍曰地中生木人莫見其升之

之迹者以順積而致之耳○語類云木一日初六允

不長便將枯瘁學者之於學不可一日少懈

升大吉象曰允升大吉上合志也趙彥肅曰與上三

日允升者爲上所信而升也晉三之允在下三陰升

初之允在上三陰故彼傳曰志上行而此曰上合志

○其祖案此爻之象鄉官書考之法也蓋五家爲比

下士一人爲之長有以禁其奇袤之心而敬敏任恤

則閭胥書之孝悌睦嫻有學則族師書之德行道藝則黨正書之州長又考其德行道藝而勸之糾其過惡而戒之夫然後鄉大夫于三年大比而賓興之其教之有術而升之有漸所謂上合志者自閭胥以至鄉大夫同心以興賢則其升也允矣言當乎人心也文王繫易但有允升大吉四言耳周公乃始本其意而立爲法九二孚乃利用禴无咎象曰九二之孚有制如此

喜也○千寶曰剛中而應故孚神享德與信不求備也○陸希聲曰升萃反對萃六二以盡誠於五升九二以推誠於五故皆利用禴○張浚曰事君猶事神事天舍誠不能格也五順二巽中道默通曰孚志得道行互兌爲有喜○其昶案德馨香祀登聞于天亦升之義也二五相孚二受福爲有喜五則有慶以及九三升虛邑○馬融曰虛丘也○象曰升虛邑无天下九三升虛邑○荀爽曰坤稱邑○象曰升虛邑无所疑也○其昶案丘卽四井爲邑四邑爲丘之丘周禮司諫掌糾萬民之德詢問而觀察之以時書

其德行道藝辨其能而可任于國事者鄭注任吏職
疏云任吏職謂使爲比長閭胥族師之類九三升虛
邑是使爲比長閭胥也既詢問觀察而六四王用亨
書之又辨其能而後任之故曰无所疑
許兩于岐山吉无咎馬融曰象曰王用亨于岐山順
反事也阮逸曰易著人事皆主商周帝乙高宗箕子商
近君之位而當升時吉无咎者有順德也以柔居坤
順之至也○黎遂球曰禮曰因名山升中于天爻之
繫以禴與亨也升之義也○朱軾曰六四之升升以
順也上順君下順民順之至矣使之主祭而百神享
也○許桂林曰隨曰王用享于西山升曰王用享于
岐山第卽所守土地以言本朝典禮岐封之外非所
敢聞所謂小心翼翼也○其昶案此亦述王季九命
爲伯之事德與位俱升也詩旱麓序云周之先祖世
修后稷公劉之業至太王王季申之以百福千祿焉
其二章曰瑟彼玉瓚毛傳九命然後錫以秬鬯圭瓚
升

鄭箋殷王帝乙之時王季爲西伯以功德受此賜王用享者王謂殷王也五以四有順德而使之主祭所以吉无咎也皇矣頌王季之德曰克順克比亦卽順事之謂六五貞吉升階象曰

貞吉升階大得志也荀爽曰陰正居中爲陽作階○

者使物皆階己而升志宜大獲也○李元量曰升階

者升而有序謂賓主以揖遜而升也○張浚曰五坤

中順德格於上下剛賢應之德進不已用得志於四

海坤土爲階自下而上曰升○程迥曰下應剛德之

臣自二升五如階有級此人君升進賢臣之象○其

昶案貞吉者久而獲吉積小以高大之謂用見大人

南征吉志行也二之志行上六冥升利于不息之貞

此五之所以大得志也

朱震曰坤象曰冥升在上消不富也其昶案升元亨

爲冥晦至五上而升道

已成且利貞矣陽實爲富富也者福也升而不已必

困冥升在上消而不福死之象也詩云文王在上於

昭于天是文王之冥升也明夷者天下之冥也六五箕子之明夷利貞象曰箕子之貞明不可息不息於其生也冥升利于不息之貞不息於其死也君子之德之純其生也不息則死亦不息子曰朝聞道夕死可矣不息之貞其聞道之效與蓋死生若晝夜未知生焉知死通死生爲一貫是謂通乎晝夜之道而知

三三

坎下兌上
中爻離巽

困亨貞大人吉无咎有言不信沈該曰下坎爲心上兌爲口維心則亨尙

口則窮

彖曰困剛揜

於檢反

也

鄭康成曰坎月離日兌爲

暗昧日所入也今上揜日

月之明猶君子處亂世爲小人所不容故謂之困○荀爽曰謂二五爲陰所揜也○其昶案坎陽旣陷於陰又居巽離兌三陰之下故獨爲剛揜險以說困而不失其所曰龍仁夫艮止其所之不愧不亨其唯君子乎貞大人吉以作泰然不失其常處

困

易二

二

抱潤軒

剛中也有言不信尙口乃窮也說苑孔子曰居不幽

智不廣夫困之爲道猶寒之及煖煖之及寒也唯賢

者獨知而難言之也易曰困亨貞大人吉无咎有言

不信聖人所與人難言信也○王弼曰處窮而不能

自通者小人也○孔穎達曰小人窮斯濫矣君子則

不改其操○項安世曰特實貞於大人之上明能堅

固元剛以勝天下之變卽大傳所謂貞夫一者也師

貞於法律故稱丈人困貞於道故稱大人○夏宗瀾

曰安貧守困君子所能惟辯論是非陳說冤抑或忠

愛所激發爲讜言則君子有不免焉不知言之无益

也有指爲怨謗而文致其罪者矣惟危行言遜默足

以容其庶幾乎○其祖案不失其所而後能亨能貞

困而亨君子也若夫貞幹天下非有位之大人不能

亨貞分屬大人君子象曰澤无水困君子以致命遂

故曰困德之辯也志徐幹曰遇不遇非我也其時也夫施吉報凶謂之

命施凶報吉謂之幸守其所志而已矣易曰君子

以致命遂志○何妥曰命可致而志不可奪○本義云水下漏則澤上枯故曰澤无水致命猶言授命○姚配中曰下坎三爻皆失位離伏於下有水之形无水之實中乾者也故曰澤无水○其昶案易每以命與志對言命落氣數之中志者心之所之謂本明也本心發見卽擴而充之不使意見得行是謂致命遂志初六臀困于株木入于幽谷三歲不覿大歷反○爲隱伏○陸希聲曰坎於木爲堅多心株木象○王昭素曰自初至四歷三爻爲三歲象曰入于幽谷幽不明也王弼曰最處底下沈滯卑困居无兌一陰始得秋氣蔓草未殺爲葛藟六三秋冬之交葉脫刺存爲蒺藜初六大冬之時蔓草霜殺所存者株木三陰皆象草木○李光地曰卦以剛揜爲義唯剛者能處困柔者不能也蓋君子之困爲時之窮小人則往往自取之而已○其昶案初失位在下非无應也四兌體暗昧有應而不得見也坎水內景象人

心之本明知誘物化遂亡其正困株木九二困于酒

入幽谷也是故幽不明爲天下之至困

食朱紱

弗音

方來利用享祀征凶无咎

乾鑿度云易天

服皆同色○說文云市鞞也上古衣蔽前而已市以

象之天子朱市諸侯赤市大夫葱衡从巾象連帶之

形象曰困于酒食中有慶也

亂世困于酒食者困于

祿也方困而有九二大人之行將錫之朱紱也○鄭

康成曰二爲大夫采地薄○石介曰旣在險中何可

以行以其居陽明之德可以无咎○其昶案困于酒

食正需于酒食之反坎爲酒食在困坎之陽未得上

居五位无德澤以及天下是之謂困朱紱方來未然

之辭耳利用享祀者周祀先公以天子之禮夫子夢

坐奠於兩楹之間凡不得志於生存歿而血食于祀

者皆象此二居坎中坎維心亨中有慶也彖曰亨其

唯君子乎二之謂也剛不可變

故征凶不以失位无應爲咎也

六三困于石據于蒺

藜入于其宮不見其妻凶

虞翻曰坎為疾藜

象曰據于疾藜

乘剛也入于其宮不見其妻不祥也

左傳云困于石往不濟也據于

疾藜所恃傷也入于其宮不見其妻凶無所歸也○

韓詩外傳云此言困而不見據賢人者也昔者秦繆

公困於殽疾據咎犯趙衰介子推而遂為君齊桓困

困於驪氏疾據咎犯趙衰介子推而遂為君齊桓困

於長勺疾據管仲甯戚隰朋而匡天下夫困而不知

疾據賢人而不亡者未嘗有之也○其昶案石謂上

六之陰豫二介于石亦陰爻漢志云石陰類也三往

而上六不應困于石也退據本位乘剛不安為疾藜

以六據三據于疾藜也又三體坎而撰離離者坎之

妻水能滅火是坎入離宮而不見其妻凶也韓嬰言

當疾據賢人者謂三九四來徐徐困于金車吝有終

宜化陽陽為賢也

朱震曰象曰來徐徐志在下也雖不當位有與也

坎為輪

困

易五

七

抱潤軒

曰下謂初○王宗傳曰自外而內曰來巽不果爲徐
徐○俞琰曰六爻惟初與四剛柔相應故特以有與
明之○吳汝綸曰志在下謂欲與初同隱金車卽周
禮之金路○其昶案初體坎爲車入于幽谷四欲來
歸而徐徐者困於金車之不覲不獲速駕故吝也然
四久處不當之位而不變者以應初之故廢於外而
志在下其非貪慕榮勢明矣聖人以有終九五劓刖
許之鑒其志也揚子雲之所處殆近此爻九五劓刖
困于赤紱乃徐有說利用祭祀陸德明曰荀王肅本
劓刖作劓刖云不安
貌鄭云當爲倪仇○陳壽祺曰說文作契𩇑蓋
劓刖𩇑倪仇契𩇑古字竝通皆一聲之轉 象曰
劓刖志未得也乃徐有說以中直也利用祭祀受福
也乾鑿度云劓刖不安也文王在諸侯之位上困於
紂故曰困于赤紱夫執中和順時變以全王德通
至美矣故曰乃徐有說○王應麟曰九五利用祭祀
孔子曰知我者其天平韓子云唯乖於時乃與天通

不求人知而求天知處困之道也李公晦謂明雖困
於人而幽可感於神○其昶案五以剛揜而困故志
未得居說體而不變其剛中之德上不怨天下不尤
人也詩云狼跋其胡載疇其尾公孫上六困于葛藟
碩膚赤舄几几可謂乃徐有說者也
力軌于艱反五結飈反五骨曰動悔有悔征吉孔穎達曰
不安之辭○鄭汝諧曰所應在三以柔附己而牽之
葛藟也所比者五以剛載己而難安艱飈也○其昶
案上悔以事言象曰困于葛藟未當也動悔有悔吉
下悔以心言
句行也王弼曰居困之極而乘於剛下无其應行則
謀通曰者思謀之辭也○陸希聲曰行而獲吉故曰
變乃通也○鄭剛中曰困有不可動九二也有不可
不動上六也○其昶案未當者未當處困之道柔不
能處困宜變剛也困之時向口乃窮而自訟則吉曰
困

動悔有悔自訟之辭也困以寡怨皆自訟之效故吉也傳復推言其吉在改行不在徒言

三三 巽下坎上 中爻兌離

井改邑不改井无喪无得往來井汔汔許訖反至亦未

繻音橘井羸其瓶凶鄭康成曰坎水也巽木桔槔也互

口也桔槔引瓶入泉口汲水而出井之象也井以汲

人水无空竭猶君子以政教養天下惠澤无窮也○

虞翻曰汔幾也體兌毀缺○趙彥肅曰三陰為地三

陽為水泉通地中之象六四柔順不阻陽之往來石

隙通泉之象○王夫之曰井篆作井其外四畫相交

成九區田之畛域也其中一點穴地以達泉也三代

封建沿革不一人民登耗不常故互相推移而改邑

若井以分田制稅溝洫遂路塋埒視以為經界之準

永无所改經界既正此井无所喪彼井无可混得以

居中之井為標準也○王念孫曰廣雅云喬出也與

繙通王注已來至而未出井也出字正釋繙字○吳
汝綸曰羸鄭讀羸是也太玄瓶藁于繙正用此文說
文偶相敗也子雲酒箴爲賞所輻皆通借字○姚永
樸曰井井乃重文形況字言往者來者皆井井然荀
子云井井兮彖曰巽乎水而上水井井養而不窮也
其有理是也
其昶案雨雪消化之水滲入土石積聚則成泉源由
地開孔以通泉謂之井此卽巽乎水而上水之說
改邑不改井乃以剛中也○林栗曰剛中者泉在中也
○邱富國曰改邑三句言

井之事汔至二汔至亦未繙井未有功也羸其瓶是
句言汲井之事

以凶也

孔穎達曰无喪无得往來井井皆由以剛居
中更无他義故不具舉水未及用則井功未

成○張浚曰在困坎之一潛於下澤不上施在井坎
之一升於上德及天下○郭雍曰井以靜爲德動爲
功動而出故能致養於无窮不能動出特止水而已
非井之義也○李中正曰自黃帝始經土設井以塞

井

爭端八家爲井開四道而通八宅鑿井於中歷唐虞
夏商以迄於周邑隨時有改而八家爲井之制則一
定而不易○徐總幹曰文王作易該三代制度如比
五見王田不合圍三面而驅之禮巽二見古有太史
男巫女巫之制既濟言婦喪其弟見古者婦人出行
之禮言殺牛禴祭見祭祀有大小之禮井言改邑不
改井見在昔井田有井邑之象曰木上有水井君子
法此皆用三代制度爲象也
以勞反報民勸相曰勸相亦爲井田設即相友相助
相扶持也○吳如愚曰君子觀井象而以爲井田之
法使民服田力穡勤勞以奉養其上又勸其相助而
不敢惰○其昶案莊子云漢陰丈人爲圃畦鑿隧入
井抱甕出灌用力多而見功寡子貢曰有械於此一
日浸百畦鑿木爲機挈水若抽其名爲槔木上有水
卽桔槔之象井之用也桔槔運轉不已亦有勞相之
義初六井泥不食舊井无禽故曰泥○俞樾曰國語

云登川禽是禽象曰井泥不食下也舊井无禽時舍

也王弼曰最在井底上又无應沈滯穢穢是久井不

也見潔治者也○鄭汝諧曰輕清陽也為泉重濁陰

也為泥○趙汝模曰古者鳥獸蟲魚通曰禽井有生

氣而禽生焉井泥則不食雖生物亦无之○毛奇齡

曰新泉可食舊水不可食古禮云立秋浚井改水淮

南子云八方風至浚井取新泉四時皆服之○其昶

案時舍謂上无陽氣之應也凡深陷儲水之處皆曰

井水清則汲飲水濁則畜禽皆井之用二有鮒三可

汲初兩九二井谷射鮒音甕敝漏至小甕停水器也

无之

象曰井谷射鮒无與也程傳云陽剛之才本可以養

濟用之功○王引之曰谷即壑井中容水處也呂覽

云射魚指天淮南子云天子親往射魚說苑云魚固

井

易五

七

抱潤軒

而遷无與則九三井渫反息列不食爲我心惻可用汲

王明並受其福荀爽曰渫去穢濁情潔之意○鄭康

通象曰井渫不食行惻也朱震曰往求王明受福也

史記云人君无愚知賢不肖莫不欲求忠以自爲舉

賢以自佐然亡國破家相隨屬而聖君治國累世而

不見者其所謂忠者不忠而其所謂賢者不賢也易

曰井渫不食爲我心惻可以汲王明並受其福王之

符曰人君不開精誠以示賢忠賢忠亦无以得達易

曰王明並受其福○王弼曰修己全潔而不見用故

爲我心惻爲猶使也○張璠曰可爲惻然傷道未行

也○王宗傳曰用汲受福此惻者之辭○項安世曰

五在坎中自三至五爲離願其爲離不願其爲坎也

○許桂林曰賢如箕子膠鬲而置之閒散王當用之

也○其昶案九三有與而不食者應不在五也三能

守正不變乃與五同功
為離故有求王明之辭
六四井甃側舊无咎
子夏傳
治也
象曰井甃无咎修井也
孔穎達曰以甃壘井修井
井壞則水渾故甃而修之法亂則民擾故治而正之
○蘇軾曰泉者所以為井也井者泉之所寄也故三
陽為泉三陰為井甃所以禦惡而潔井也待是而潔
故无咎○來知德曰甃井以瀦畜九五之寒泉者也
能修治臣職則可因君而成井養之功○黃道九
周曰先王之法一倣不修必以所養者害人矣九五
井冽音寒泉食陸德明曰冽潔也說文云水清也○
故冽○朱震曰井五月卦陰氣自
下而上井寒矣兌口承之食象
象曰寒泉之食中
正也
孔穎達曰清而冷者水之本性言寒泉以表潔
也○楊萬里曰以甘潔清寒之德為一井之主
天下之人酌而飲之○王宗傳曰潔與冽性也食不
食命也○本義云陽剛中正功及於物○錢澄之曰
井

五本天一之真氣傳曰中正也
明其為坎中之一陽中且正也
上六并收勿幕音有

孚元吉
虞翻曰幕蓋也收
象曰元吉在上大成也王弼

曰處井上極水已出井井功大成在此爻矣幕猶覆

也不擅其有不私其利則物歸之○干寶曰井以養

生政以養德无覆水泉而不惠民无蘊典禮而不興

教○程傳云他卦之終為極為變唯井鼎終乃成功

○郭雍曰言元吉在上者井上六之元吉也井道至

上而大成盡元吉之道也○其昶案陽在前為藩為

幕勿幕戒其化陽也上不變則三可汲而食矣有孚

勉其應三而孚也求王明受福者天下之福非五之

私利故元吉之占不繫之五而

繫之上井以辯義以義為利也

三三
離下兌上
中爻巽乾

革己日乃孚元亨利貞悔亡
朱震曰己讀戊己之己
十干至庚而更更革也

離納己○錢一本曰坎離天地之中戊己日干之中

中者土之位也戊陽土陽主生坎中一陽為戊日己

陰土陰主成離彖曰革水火相息二女同居其志不

中一陰為己日馬融曰息滅也○孔穎達曰息己日乃孚

相得曰革生也○本義云滅息而後生息己日乃孚

革而信之張浚曰革金火之變也文明以說大亨以

正革而當其悔乃亡吳汝綸曰元亨利天地革而四

時成何楷曰春夏為陽盡於湯武革命順乎天而應

乎人姚永樸曰兌彖曰順乎天而應乎人於革亦言

取之而燕民說則取之武王是也取之而革之時大

矣哉王充曰凡物能相割截者必異性者也○鄭康

改正朔易服色也○王弼曰火欲上澤欲下相戰而
 後生變○歐陽修曰桀紂之惡天之所欲誅人之所
 欲去湯武誅而去之故曰順天應人也然則正乎曰
 正者常道也非常之時必有非常之變湯武是已故
 曰革之時大矣哉見其難之也○王安石曰澤火非
 如坎離有相逮之道惟勝者能革其不勝也○程傳
 云天下事革之不得其道則反致弊害故革有悔之
 道革而无甚益猶可悔也況反害乎古人所以重改
 作也○李舜臣曰兌之陰潤在上是為澤澤之氣凝
 結而成秋之肅是為金金得火成器水得火成煖革
 之乃利其用○方大鎮曰莫信於四時之變元亨利
 貞者春夏秋冬之時若也悔亡者亡其恆若也禮曰
 湯放桀武王伐紂時也聖人舍身以救民水火時不
 敢先後也彖傳著之曰時又曰當凜凜哉順天應人
 必以明道說道行之必行乾之四德乃无咎乃悔亡
 也○顧炎武曰天地之化過中則變已則過中將變
 之時故受之以庚古人有以己為變改之義者饋食
 禮日用丁己注云取其令名自丁寧自改變律厯志

亦謂理紀於己斂更於庚○沈起元曰冬春夏相代以生堯舜之禪也夏秋相代以剋湯武征誅也金火之際天地之大關鍵也象則火之燦金序則金之代火火燦金而金无以代故用己土以濟之化剋爲生革之用也說卦云兌正秋也象曰澤中有火革君子

金者秋令洪範云金從革

以治厯明時賈逵曰易金火相革之卦象曰君子以治厯明時言聖人必厯象日月星辰○

本義云四時之變革之大者○項安世曰改世者必治厯改歲者必治厯治一世之厯可以明三正五運之相革治一歲之厯可以明十二月六十甲子之相革○趙彥肅曰澤中有火兌見離伏正秋時也火藏矣而非无故火墓於戌冬夏春父子相傳因也秋繼夏金火相傳革也五行以相生相授而金火以相革相成○陳漢章曰木華海賦陰火潛然丹鉛錄引素問云澤中有陽燄是卽澤中之火也抱朴子云南海蕭邱有自生之火又云火體宜熾初九鞏用黃牛之而有蕭邱之寒燄可爲易象之證

革說文引易云象曰鞶用黃牛不可以有爲也虞翻

位无應故不可以有爲○王弼曰牛革堅韌不可變

也○干寶曰離爻本坤黃牛之象也在革之初而无

應據未可以動○折中云革者鳥獸之皮也鳥獸更

四時則皮毛改換堯典希革羊毛毳是也爻取象牛虎

豹者以此牛之皮堅韌難革以繫物則固故遯之執

用者似之裏物則密故革之鞶用者似之○包彬曰

獸惟有皮之堅而後附皮之毛隨時而變故革之初

取於牛革之鞶也○姚配中曰初得位不可化故固

也此不可革者也○其昶案新室於漢武氏於唐皆

革而不當者聖人於革初首發不可革之義其慮深

矣六二己日乃革之征吉无咎陳士元曰乃者難之

大腹說文云己象人象曰己日革之行有嘉也王弼

腹則己日指離益信象曰己日革之行有嘉也曰二

五同處厥中陰陽相應往必合志○程傳云中正則

无偏敝文明則盡事理應上則得權勢體順则无違

悖時可位得才足處革之至善者也不進則失時爲
有咎○張浚曰商周之革伊尹太公之力也二有文
明之德是以能上應九五敷大信於天下離於時爲
亨曰行有嘉○毛奇齡曰庚者更革之義先於庚者
己也庚欲革必先之己日而乃可以革○黃應麒曰
有嘉卽離之有嘉折首也○其昶案五爲革主二者
五之應二之日卽五之日也革易於有咎當其九三
時故无咎詩云肆伐大商會朝清明革之時也九三
征凶貞厲革言三就有孚象曰革言三就又何之矣
李翱曰重卦之內至於三位則有小成變革之理如
乾四曰乾道乃革革三曰革言三就是也○趙汝楳
曰言者語辭猶詩之云駕言也周官典瑞纁皆三采
三就注云就成也一匝爲一成○蔡清曰審於革可
也躁於革不可也○惠士奇曰離歷三陽而革道成
○朱駿聲曰易傳云物有始有壯有究故三畫成乾
究之言就也成也凡物至秋冬則老而成就乾老陽
故稱究孚於三改於四變於五革之循序而有漸也
革

革

少

三

抱閭軒

征凶貞厲者周之五年養晦須暇之時與○姚配中
 曰三動失位故征凶剛而不中故貞厲矣○其昶案
 爻惟二五當革之任初不可革三四可革而不革三
 就故三言有孚又何之矣釋征凶革至五而三就則
 當九三之時未可以行也凡始作
 難者必有殃咎故曰毋為禍始
 九四悔亡有孚改

命吉

朱震曰巽為命○陳士
 元曰命天命也乾為天

象曰改命之吉信志也

耿南仲曰水火交會之際五行代王至此可以改制

離火兌金正夏秋之交○其昶案四動成既濟以在

己之孚不可變不求濟也四際革之時而未當五之

位天命已改而猶不革故上下皆信其志革而當其

悔乃亡四先言悔亡而後言改命不言革命此文王

之所以自處者詩云周雖舊邦其命維新改命之說

也九五大人虎變未占有孚胡炳文曰仲夏毛希革

離夏革為兌象曰大人虎變其文炳也馬融曰虎變

秋故有此象

威德折衝萬

里望風而信○宋衷曰五以陽居中故曰大人○孔
穎達曰居中處尊爲革之主損益前王創制立法有
似虎變其文彪炳是湯武革命順天應人不勞占決
信德自著○劉牧曰威武宣而文德著大亨以正不
假占而有孚○橫渠易說云虎變文章大故明豹變
文章小故蔚○本義云變謂希革而毛毳也在大人
則自新新民之極順天應人之時也○包彬曰傳曰
其文炳者恐人疑虎變爲武功之震也然變質爲文
周家所尚亦於此見矣○其昶案二五當位正應是
任革之事者二言己日五言有孚互備爲文乾爲大
君自三至五三言有孚而乾道成所謂革言三就己
日乃孚者也天與人歸自然之效不假卜筮祥瑞之
說故曰未占有孚聖
人之重言革如此
上六君子豹變小人革面征凶

居貞吉

其昶案白虎西方之宿也乾兌
皆西方卦乾陽爲虎兌陰爲豹

象曰君子豹

變其文蔚也小人革面順以從君也

王充曰其文炳
其文蔚此言大

人君子以文爲操也。○孔穎達曰：革道已成，君子處之潤色鴻業，如豹文之蔚縟。○馮當可曰：牛革取其固，虎豹之革取其文。○王宗傳曰：革道大成，君子功業著見，小人去虐歸仁，天下之弊始患不能革，已革又患不能守。上曰：居貞吉，以陰靜終也。○項安世曰：上六革之效，君子小人以臣民言之也。面向也，古者面皆謂向。○龔煥曰：三征凶，戒其妄動也。上征凶，謂事之已革者不可復變也。當革而未革，故貞厲已革而當守，故居貞吉。三革道未成，上革道已成也。○宋書升曰：上言居貞吉者，王者功成作樂，湯之樂曰大，獲獲之爲言護也。亦布也，謂遍安之。武之樂曰大武，左氏傳說之云。夫武所以禁暴戢兵，保大定功，安民和眾，豐財者也。旣革則功定，故卽繼以安民爲要務。此皆革終言居貞之大義也。

三三

巽下離上
中爻乾兌

鼎元吉亨

述義云：有長人之元德，神佑人歸，故吉體離之明，使下情得以上達，又虛中任賢以

成致養之功則元道亨於天下而鼎之彖曰鼎象也
用乃全井以普水之利鼎以成火之功
惠棟曰鼎言象者王輔嗣云革既變矣則制器立法
以成之古者六官之法皆稱象春秋傳言象魏尚書
言象刑古刑書皆鑄之鼎蓋鑄鼎以木巽火亨
象物百物爲之備故曰鼎象也
飪也卦說文云鼎三足兩耳和五味之寶器也易聖人
亨以享上帝而大亨以養聖賢項安世曰大猶廣也
用特牛享賓之禮牛
羊豕具焉故曰大
巽而耳目聰明柔進而上行得
中而應乎剛是以元亨鄭康成曰鼎有木火之用互
體乾金兌澤澤鍾金而含水
爨以木火鼎烹孰以養人猶聖君興仁義之道以教
天下也故謂之鼎矣○何妥曰古者鑄金爲此器以
供宗廟次養聖賢天子以天下爲鼎諸侯以國爲鼎
變故成新尤須當理故先元吉而後亨通○朱震曰

聖人卑巽下人兼天下之耳以爲聽故其耳聰兼天下之目以爲視故其目明○趙汝楳曰巽以爲主然後能成離明之德○來知德曰離爲目五爲鼎耳○李光地曰井在邑里閒所養者民鼎爲朝廷貴器所養者賢易義至於象曰木上有火鼎君子以正位凝尚賢則吉无以加

命房玄齡曰鼎者神器至大至重正位凝命法其重大不可遷移也○蘇軾曰革所以改命鼎所以凝之也○李元量曰木上有火非鼎也鼎之用也木上有水非井也井之功也○本義云疑猶至道不疑之疑傳所謂協于上下以承天休者也○胡炳文曰鼎器正然後可疑其所受之實君位正然後可疑其所受之命○汪烜曰正位凝命卽洪範之建極斂福耳目聰明卽洪範之敬用五事也初六鼎顛趾利出否得妾以其子无咎鄭康成曰顛蹄也巽爲翻曰初陰在下爲否○宋書升曰祭先一日溉鼎去其舊污以取新故曰利出否○其昶案程傳得妾謂

得其人也與鄭注妾有順德合以其
子以者用也妾子賢用為嗣无咎
象曰鼎顛趾未

悖也利出否以從貴也
鄭康成曰君夫人如否者嫁

之而已若其无子不廢遠之后尊如故妾有順德子
必賢賢而立為世子又何咎也○陸希聲曰趾當承

鼎顛而覆之悖也於是出其惡故雖覆未悖猶妾不
當貴以其子故得貴焉春秋之義母以子貴○姚配

中曰殷失其養人之道將莫能守其重器者紂為之
也使帝乙立微子殷之天下未可量也文王蓋以此

喻微子不得立而殷道終衰與利出否者出妾子立
以為嗣子為父後與尊者為一體故曰以從貴○丁

晏曰妾不可以為適名分至嚴母以子貴所謂從貴
也儀禮喪服有貴妾傳曰何以總也以其貴也即易

象從貴之義○鄭果曰得妾以其子者妾子雖為君
妾母猶不得稱夫人周禮也春秋時人君違其祖制

孔子諱之不說此句後世儒臣得而說之矣○其昶
案劉復既未濟初上爻辭多從反對起義革鼎亦猶

是也革去故鼎取新覆革爲鼎故鼎初取象顛趾出否妾與子各有出否從貴之義也鼎重器不可傾覆象太子國本不可動搖其或有顛趾之時必其中有積否者也主器者莫若長子公羊傳所謂子以母貴此常道也如有否德則擇賢而立又傳所謂母以子貴此權道也得妾以其子重在子之賢又必所出者爲否如是乃利非後世寵妾而妄易儲嗣者可比陽淑陰慝陽貴陰賤初陰失正否也化陽故出否從貴友人陳君漢章曰此爻象微子也微子紂庶兄以母賤不得嗣而殷其淪喪文王作易憂患之故於鼎初六繫九二鼎有實我仇有疾不我能卽吉孔穎達曰實謂陽仇匹卽就也○何楷象曰鼎有實慎所之也我仇有疾日疾卽初所謂否終无尤也王弼曰以陽之質處鼎之中有實者也○程傳云仇謂初也鼎之有實乃人之有才業當慎所趨向不慎則亦陷於非義○其昶案鼎之數有三有五詩云鼐鼎及鼯自此鼎目彼鼎曰我仇

矣蓋鼎實既充必宜陳薦得所用遠穢汚特牲饋食
禮云羹飪實鼎陳于門外是也慎所之謂二不可變
正應在五非初所能累也薰蕕不同器而居在用賢
者固當登諸清要之途而士之自處尤不可昧潔身
之義九三鼎耳革其行塞雉膏不食方雨句虧悔終吉

虞翻曰離為雉○胡象曰鼎耳革失其義也虞翻曰
一桂曰三動為坎雨象曰鼎耳革失其義也鼎以耳
行耳革行塞故失其義○李椿年曰雉膏不食離明
在上而無應象○孫奇逢曰諸剛皆比應於五獨三
不與焉上無知遇故有耳革行塞之象○其昶案耳
革者鼎耳壞裂不可復用也三鼎耳革四鼎折足皆
兌毀象鼎之義大亨以養聖賢內則記上大天庶羞
有雉兔今雉膏不食是荒年減膳時也乾天兌澤加
離火為旱徵白虎通引禮云三穀不升不備雉兔穀
梁傳亦云大禘之禮君食不兼味夫歲凶不兼味可
也以雉膏不食之故任鼎耳壞裂而不修則失其義
矣君子藏器於身有不用之時而必儲可用之具子

曰如或知爾則何以哉卽此義也乾曰亢龍有悔陽
亢故不雨悔則變陰成坎而雨虧悔者是遇災修省
之心自虧損自悔咎也古者卜
筮多貞歲之燬惡故以爲象
送鹿其刑渥凶形鄭荀虞俱作刑○說文餽鼎實惟
反三公象○柯劭忞曰刑者銅之省銅鼎卽陪鼎也○
其昶案昭六年傳以鑄刑器注云刑器鼎也刑以盛
羹故一名刑羹鼎大實餽有折象曰覆公餽信如何
覆之患刑小盛羹有滿溢之虞
也董仲舒曰鼎折足者任非其人也覆公餽者國家
傾也是故任非其人而國家不傾者自古至今未
嘗聞也○彭宣曰三公鼎足承君一足不承則覆亂
美實○九家云三公調陰陽鼎調五味折足覆餽猶
三公不勝其任傾敗天子之美○胡瑗曰鼎之實必
有齊量君子才德亦有分量若職事過其才分則有
覆官之謗○蘇軾曰鼎之量極於四其上則耳矣受
實必有餘量以爲溢地溢則覆矣○王申子曰傳言

委任不當果如何也欲人詳玩以爲戒○張清子曰
初在鼎下未有實顛之尙有出否之利四在鼎中已
有實折之則有覆餗之凶又顛則舍舊而圖新折則
器毀而用廢○張履祥曰四之覆餗初足之折也是
以大臣貴於容物又貴於知人○其昶案四失位六
不化兌毀化亦兌毀无之而可故曰信如何也六
五鼎黃耳金鉉反 立典利貞○馬融曰鉉扛鼎而舉之也

於上黃象曰鼎黃耳中以爲實也陸績曰得中承陽

耳象王宗傳曰在鼎之上受鉉以舉鼎者耳也六五也在
鼎之外貫耳以舉鼎者鉉也上九也以六五之虛中
而資上九剛實之助此黃耳之得金鉉也人君欲受
人之實爲己之實非有虛中之德不可○王申子曰
五虛中納上之助而後一鼎之實得以利及天下○
龔煥曰鉉之用雖出鼎上而實貫乎耳中六五鼎耳
也故兼鉉言之○其昶案鼎元吉亨至上九鼎玉鉉
五上而鼎功成故皆言利貞與升同例上九鼎玉鉉

大吉无不利象曰玉鉉在上剛柔節也

石介曰玉言火炎而不變

其性也○程傳云處終鼎功之成在上鉉象剛而溫者玉也○項安世曰金鉉實用之物玉鉉為文而已曰玉鉉在上明設而不用也飾以寶玉陳之朝廷如治定功成制禮樂以安太平所以大吉无不利○李過曰玉和物也鼎道貴和○包彬曰革鼎言天命也革去故五上天位取象於虎豹鼎取新五上天位取象於金玉可見三王之王也其變者不過制度文為皮毛之事可以改革者若夫忠信之質綱常之道此金玉也不可與民變革者自新以此新民亦以此維新之命即以此凝之然則文章可變而本實常新雖百世可知也○其昶案玉鉉在上是聖人亨以享上帝者而金鉉為實則大亨以養聖賢也上剛五柔相資為用剛柔應節皆不可化

三三 震下震上 中爻艮坎

震亨震來虩虩

許逆反

笑言啞啞

鳥客反

震驚百里不喪

匕鬯

說文引易云啞笑也○馬融曰虩虩恐懼貌○陸績曰匕者棘匕撓鼎之器○王肅曰天子當

陽諸侯用震政行百里則匕鬯亦不喪祭祀國家大

事不喪宗廟安矣○孔穎達曰陽氣近開萬蟄俱動

為震豕曰震亨

本義云震有亨道

震來虩虩恐致福也笑言啞

啞後有則也

蘇軾曰震震陰而達陽者也故亨○程傳云恐懼自修則可致福能恐懼而後

自處有法則○蔡清曰凡事皆當懼懼便是震來

震驚百里驚遠而懼邇也

出可以守宗廟社稷以為祭主也

王充曰百里不共雷易曰震驚百里

○鄭康成曰雷發聲聞於百里古者諸侯之象諸侯出教令能警戒其國內則守其宗廟社稷為之祭主不亡匕與鬯也人君於祭匕牲體薦鬯而已其餘不親為也○鄭炎曰古者封建諸侯皆百里易震為雷

震

易上

三

抱潤軒

亦爲諸侯雷震驚百里何以知之曰以其數知之夫
陽動爲九其數三十六陰靜爲八其數三十二震一
陽動二陰靜故曰百里○虞翻曰艮爲宗廟社稷長
子主祭故以爲祭主○王弼曰震者驚駭怠惰以肅
解慢者也威震驚乎百里則是可以不喪匕鬯矣明
所以堪長子之義○張浚曰動而畏天必獲後福長
子主祭有動而代天之象○項安世曰出卽帝出乎
震之出○王宗傳曰震來虩虩懼在我也震驚百里
懼在人也夫威之所加者廣則下之所服者眾故可
以守宗廟社稷○其昶案殷制兄終弟及不專主長
子文王繫易以震長子爲不喪象曰洊雷震君子以
匕鬯後遂定爲周室傳子之法象曰洊雷震君子以
恐懼脩省○孔穎達曰雷相因仍乃爲威震○項安世
中○折中云恐懼脩○初九震來虩虩後笑言啞啞吉
省者君子之洊雷也○初九震來虩虩後笑言啞啞吉
虞翻曰得象曰震來虩虩恐致福也笑言啞啞後有
位故吉

則也房玄齡曰震初九謹始恐懼以致福豫初六倡

思慮必慎其始則百志弗違於道懼於身也進退不

履於危則百行弗罹於禍故初九震來而致福慎於

始也○郭雍曰震動之初恐懼脩省不可緩也過此

則危○汪烜曰初九之震震於事先者也若笑言則

於事至之後見之○劉啟琳曰笑言而曰後者范文

正所謂士當先天下之憂而憂後天下之樂而樂也

六二震來厲億喪貝躋于九陵勿逐七日得虞翻曰

陵象曰震來厲乘剛也程傳云乘初九之剛震來既

復常卦位有六七乃更始事既終時既易也○王宗

傳曰億多也鄭云十萬曰億六五億无喪象曰大无

喪也億大數也○惠士奇曰周禮朝士職凡得獲貨

賄人民六畜者委于朝告于士旬而舉之注舉之謂

沒入官司市職凡得獲貨賄六畜者三日舉之然則

喪貝在市未滿三日在朝未滿十日可識而復得焉

震

震

易五

三

抱潤軒

躋于九陵猶委于朝朝有九重闕有九棘云九陵者
象也書曰勿敢越逐祇復之在國越鄉入園土在軍
越伍有常刑故喪馬喪芻皆曰勿逐時王之制也○
其剋案干寶注貝水物五撰坎為貝又為盜五與二
不相應而相失故二有喪貝之象勿逐謂二之中正
不可變也七日來復理數自然之期既濟六二曰七
日得以中道也略六三震蘇蘇震行无眚象曰震蘇
於此者見於彼也虞翻曰坎為眚動出得正坎象不見故
蘇位不當也无眚○劉牧曰蘇蘇舒緩也○楊萬里
曰震而不行徒震耳行改圖也此恐懼所以脩省也
○鄭汝諧曰來蘇蘇息皆安緩意遠於初陽无迫之
者○俞琰曰震行謂雷之行雷動而行於天下萬物
暢達乃无災眚若當行之時而不行則萬物天闕君
子體之故行則无眚○其昶案上震以事境言九四
下震以心言由心生震異乎上六之中未得者九四
震遂泥李哲明曰泥讀致遠恐象曰震遂泥未光也
泥之泥遂泥連綿字

鄭眾曰身既不安豈能安眾○虞翻曰在坎陰中與
屯五同義故未光○程傳云剛動本有光亨之道陷
於重陰豈能光也○項安世曰初一陽動於下得震
本象故福與卦同四一陽動乎四陰之中則震變成
坎无驚遠懼遁之威○折中云雷乘陽而動然所乘
之氣不同故邵子云水雷立火雷赫土雷連石雷霹
蓋雷聲有動而不能發達陷於陰氣故有震遂泥之
象○其昶案震初一陽動於下乃心光所發之始覺
也九四則續起之念隨事攀援不絕而始覺之光明
蔽矣穀梁傳遂泥即邵子書序云因事曰遂荀子注遂
因循也震遂泥即邵子六五震往來厲億无喪有事
所云水雷立土雷連也

象曰震往來厲危行也其事在中大无喪也

虞翻曰事謂祭

祀之事可以守宗廟社稷爲祭主故无喪有事也○
陸希聲曰以柔履中行不過當萬无失也○王宗傳
曰震之成體在初四而得尊位大中以主天下之動
者六五也○項安世曰五居重震之上故稱往來厲

震

卷二

三

抱潤軒

卽恐懼○折中云春秋凡祭祀皆曰有事二以喪貝
 爲中五以无喪有事爲中○其昶案无喪謂不喪七
 鬯也論語邦有道危行何晏注云厲行不隨俗危厲
 其行卽恐懼脩省也五爲卦主初四之震皆其震一
 往一來驚遠懼適上六震索索視矍矍俱縛征凶震
 足以爲祭主矣

不于其躬于其鄰无咎婚媾有言鄭康成曰矍矍目不正象曰

震索索中未得也雖凶无咎畏鄰戒也程傳云聖人於震終示人

知懼能改之義爲勸深矣○本義云中謂中心○項
 安世曰蘇蘇索索皆震遠而聲小不足於恐懼者也

○沈起元曰索索者震之解矍矍者動之肆○李林

松曰震雖於鄰戒乃在己此正恐懼脩省之義故无

咎○其昶案動失正故征凶上與四五同體甚邇皆

鄰也而上陰四陽則四又鄰中之昏媾有言者鄰戒

也五用初之震以驚遠用四之震以懼邇懼之故戒

之戒之故有言垂涕泣而道之以其爲昏媾也上不

知懼畏鄰之戒言而懼是其震不生於心而迫於人故曰中未得所謂徵於色發於聲而後喻者士有諍友則身不失於令名雖凶无咎也

三三艮下艮上中爻坎震

艮其背不獲其身行其庭不見其人无咎說文云艮很也从匕

目匕目猶相匕不相下也○李鼎祚曰艮爲門闕今純艮兩門之間庭中之象○胡炳文曰人身唯背不動艮止象不獲其身內艮不見其外艮○李光地曰背之文從北從肉天地人之道南與東西皆見而北獨隱前與左右彖曰艮止也時止則止時行則行皆見而後不見

動靜不失其時其道光明楊時曰艮者萬物之所成終成始也止於此復出乎

震故曰時止時行○語類云定則明莊子所謂泰宇定而天光發也○徐幾曰光明陽德也艮以一陽進

居二陰之上光明著見非二陰所能掩蔽○鄭汝諧曰聖人之止事物作於前而不爲所亂行不累吾之止動不害吾之靜此道之所以光明也○沈善登曰素位隨時體用不離萬物之所以成終成始者人心全體太易光艮其止止其所也項安世曰晁氏云彖明爲之也艮其止之說案古文背字爲北故訛爲止○弼前无艮其止之說王樹枏曰虞注艮其背背也兩象相背故不相與也是虞本作背尤爲確證上下敵應不相與也是以不獲其身行

其庭不見其人无咎也孔穎達曰應者一陰一陽二體不敵今上下位爻皆峙敵故曰不相與八純卦皆六爻不應獨於此言之者此卦既止而不交爻又峙而不應與止義相協也○通書云艮其背背非見也靜則止止非爲也爲不止矣其道也深乎○蘇軾曰止其所所以不獲其身敵應不相與所以不見其人○鄭汝諧曰上下敵應不相與猶人之相背也故曰艮其背背則不見可欲使心

不亂僅能无咎而已无咎非善之至也傳言艮止也此三畫爲艮聖人之事也又言艮其止止其所也此重卦爲艮而成六位之不相與也夫止而至於止其所其執一者之謂乎○梁錫璵曰懼以終始其要无咎艮兼終始故獨發无咎之義○李林松曰言兩艮相背不相見也禮天子外屏諸侯內屏大夫帷士簾所以隔絕門庭使內外有別故曰行其庭不見其人○其昶案艮彖惟周子得其義其曰非見非爲此六畫之艮以不見不爲爲止是偏於靜止者也其曰爲不止矣此三畫之艮兼動靜而言不絕物謂之爲時行則行謂之不止爲而无爲不止而止所謂動亦定靜亦定也其道也深乎非特无咎而已象曰兼山艮君子以思不出其位董氏曰雷風火水澤皆並立不相往來此止之象○劉宗周曰思者心之官也心不曠官思不出位思而未嘗思也思而未嘗思所以止而未嘗止○折中云雜擾之思動於欲者也通微之思濬於理者也大學云安而後能慮蓋不出

位之說○王夫之曰天地之化機皆无艮道惟已成之形象有之則山是已水之嚮背雲日之陰晴草木之異態風俗之殊情每於山初六艮其趾无咎利永

貞象曰艮其趾未失正也

程傳云事止於初未至失正故无咎以柔處下患其

不能常不能固故利永貞○

朱震曰初六不正宜有咎事止於初其止早矣未失正也○朱駿聲曰艮字

爲人目不相比故六爻皆以人身取義○其初案艮

六爻皆止而不變利永貞者坤之用悠久成物初之

所以成始也敦艮厚終上之所以成終也言未失正者懼人以初六失正爲嫌故特明之也

六二

艮其腓不拯其隨其心不快

張浚曰坎心象曰不拯

其隨未退聽也

蘇軾曰下止而不聽於上則上之所

動止相隨成三之股隨足而動艮二之腓隨足而止

三爲內卦之君心之象也天君泰然百體從令而後

快二本中正以在腓位遇艮之時腓不能振足相隨而止故使其心不快拘學執持太過滯於形迹之末而未能心與天游豈知儒者九三艮其限列其夤引

反

厲薰心

馬融曰夤夾脊肉也○虞翻曰震起艮止

象之中○孔穎達曰止於限則上下不通是分列其

夤○李光地曰咸取三陽之中爻爲心艮取中之陽

爻爲

象曰艮其限危薰心也

韓詩外傳引孔子云口

心欲安身惡勞教之以恭好辯論而畏懼教之以勇

目好色耳好聲教之以義易曰艮其限列其夤危薰

心詩曰吁嗟女兮無與士耽皆防邪禁佚調和心志

○顧炎武曰學者之患執一不化與眾人滑性焚和

者相去無幾告子不動心孟子謂其弊必將如蹶趨

者之反動其心此艮其限列夤之說也君子大公順應

聞一善言見一善行沛然若決江河无薰心之厲矣

○李光地曰心者靜虛而應萬事者也苟廢其應物

艮

之用則爲枯槁之學不顧事理頽然悍然而已天下
未有理不得而心安者所以必至於危薰心○惠士
奇曰限爲身半內經謂之天樞蓋氣交之中非可當
止之地上下之氣不交在病爲關格○其昶案二之
止乃縛於外者三之止則枯其內者心動物象震之
一陽不可強止三居卦中時止時行之地而強遏其
生機故厲君子之防邪禁佚惟養之以義理使心志
調和自无危薰之患強制如二斷滅如三皆非所尙
六四艮其身无咎王弼曰中稱身象曰艮其身止諸躬也
孔穎達曰三止於下體不與上交所以體分彙列六
四已入上體則非上下不接故能總止其身躬猶身
也明能靜止其身不爲躁動○項安世曰四在輔之
下腰膺之上正當艮其背之地故合於卦辭之无咎
昶案四无咎止於行五悔亡止於言其六五艮其輔
言有序悔亡杜預曰震爲車輔頰車象曰艮其輔以
互震而艮止其上也

中正也

○本義云悔謂以陰居陽正字義文叶韻可見

吳汝綸曰

中論云君子非其人則弗與之言若與之

言必以其方

農夫則以稼穡百工則以技巧府史則

以官守大夫及士則以法制儒生則以學業易曰艮

其輔言有序不失事中之謂也徐言不失事中與朱

子說合○其昶案言有

上九敦艮吉象曰敦艮之吉

序禮所謂安定辭也

有上九敦艮吉象曰敦艮之吉

以厚終也

程傳云人之止難於久終故節或移於晚

止道之至善○語類云艮居外卦者八而皆吉○邱

富國曰震之用在下故震陽最下者獨吉四互艮失

其所以爲震矣艮之用在上故艮陽在上者獨吉三

互震失其所以爲艮矣○吳澄曰上九不言艮其者

上一卦之主諸爻之艮皆上之敦也○胡炳文曰敦

臨敦復皆取坤土艮山乃坤土而隆其上者其厚也

彌固○朱軾曰厚終繫辭所謂成終也

吉則篤實輝光萬事萬物從此始矣

艮

則篤實輝光萬事萬物從此始矣

艮

艮

...

悔問所

三三

艮下巽上
中爻坎離

漸女歸吉利貞

孔穎達曰漸者不速之名也女以夫為家故謂嫁曰歸備禮乃動故利貞

○朱震曰歸自內之外也坤之四成巽女往也乾之

三成艮男下女也○喬萊曰漸進以漸也主仕進言

歸妹正言女歸之道漸彖曰漸之進也女歸吉也郭

以仕進為義女歸象也彖曰漸之進也女歸吉也雍

曰漸則為歸速則為奔凡天下之進如女歸之漸則

吉○李光地曰卦以不遽進為義故特別之曰漸之

進也以異於他進得位往有功也進以正可以正邦

卦之為進者進得位往有功也進以正可以正邦

也其位剛得中也

孔穎達曰進得位進以正此就九五釋利貞特言剛得中以明得位

之言惟止而巽動不窮也胡瑗曰天下萬事莫不有

九五也須問名納采請期以至親迎然後乃成其禮而正夫

婦之道君子之人處窮賤下位不可干時邀君急於

婦之道君子之人處窮賤下位不可干時邀君急於

求進也○程傳云臣之進於朝人之進於事不以其
序則陵節犯義凶咎隨之廉恥之道女之從人最大
故以女歸爲義○張浚曰漸臣道也互離爲明君明
於上時可進矣君有剛中之德而後可有爲臣之進
也恃此而已○單渢曰內不正則非漸之道外不巽
則非進之道○胡炳文曰止而說則其感也以正是
爲取女之吉止而巽則其進也以正是爲女歸之吉
○華學泉曰二至五剛柔皆得正曰有功曰正邦合
一卦之正俱歸九五之位之正○其昶案古昏期毛
氏謂秋冬鄭謂仲春東晉又謂四時通用則毛鄭二
說可合也然必以春時爲正周禮媒氏以仲春會男
女白虎通云嫁娶必以春者天地交通時也詩士如
歸妻迨冰未泮漸曰女歸吉亦象曰山上有木漸君
以艮巽東方維卦於時爲春也象曰山上有木漸君
子以居賢德善俗釋文王肅作善風俗○楊氏曰地
以漸○馮當可曰居積也德以漸而積俗以漸而善
○黃道周曰漸序也序貴序齒序賢皆序也聖人所

以教弟也詩云受爵不讓至于已斯初六鴻漸于干
亡夫知漸之義者庶乎可以善俗矣
小子厲有言无咎虞翻曰鴻大雁也坎水流下山故
陸績曰水畔稱干毛傳云涯也○胡一桂曰互象曰
離飛鳥互坎水居自坎北而離南象鴻之遷徙象曰
小子之厲義无咎也舍晝夜與曰有是哉滿而後漸
者其水平或問鴻漸曰非其往不往非其居不居漸
猶水平請問木漸曰止於下而漸於上者其木也哉
亦猶水而已矣○李鼎祚曰鴻隨陽鳥喻女從夫卦
明漸義爻皆稱焉○楊簡曰進欲其知時故鴻爲象
進欲其漸故干磐陸木陵爲象○折中云昏禮用雁
大夫執贄亦用雁皆取有別有序之義○其昶案大
宗伯以冠昏之禮親成男女漸女歸吉三五兩爻皆
言夫婦是昏禮初言小子則冠禮也鄭目錄云童子
任職居士位年二十而冠故曰小子始冠緇布之冠
繼加皮弁加爵弁三加彌尊亦漸進之義玄冠玄端

眞贊于君遂以贊見于鄉大夫鄉先生以成人見也
仕進于此始成敗于此判故曰厲申儆告誡之故有
言三加皆有祝辭曰棄爾幼志順爾成德冠義所云
將責成人禮焉也責成人禮焉者將責爲人子爲人
弟爲人臣爲人少者之禮行也六二鴻漸于磐飲食
責四者之行于人雖厲无咎矣
衍衍反苦旦吉磐漢志作般孟康云水涯堆也
象曰
飲食衍衍不素飽也虞翻曰素空也○本義云柔順
應故其象如此素飽如詩言素餐得之有道則不爲
徒飽而處之安矣○胡炳文曰艮爲石磐象互坎飲
食象鴻食則呼眾衍衍和鳴○其昶案艮爲少男互
坎中男少長相隨衍衍而樂詩云兄弟既翕和樂且
耽此之謂也周禮以鄉三物教萬民而賓興之族師
書其孝弟睦姻有學者閭胥書其敬敏任恤者蓋初
旣冠而成人二乃觀其六行而賓興之此漸進
之義君子居賢德善俗莫大於任睦之道矣
漸

鴻漸于陸夫征不復婦孕以證反不育凶利禦寇鄭康成曰

離為大腹孕象○虞翻曰三動離毀故不育○劉牧

曰上南陸三北陸○薛溫其曰三上皆在一卦之上

故稱陸○程傳云象曰夫征不復離羣醜也婦孕不

夫謂三婦謂四

育失其道也利用禦寇順相保也○孔穎達曰醜類也

不亂止則相保有禦寇象○晏斯盛曰陸路也如南

陸北陸之陸鴻木落南翔冰泮北歸隨日之南北陸

以為行即漸也○胡遠濬曰凶者變則凶也利者不

變則利也三體艮互坎故曰禦寇○其刑案中爻三

四互坎離夫婦也六子之卦二長則雷風相與恆二

少則山澤通氣咸皆象夫婦惟水火既濟不象夫婦

以水火性不相能也若三以不相能之故而妄動失

位則有不復不育之象夫婦之道苦矣家室乖睽斯

强暴乘閒而起離為甲兵故利禦寇不以性質殊六

而失順以相保之道聖人所以為人倫之至也

四鴻漸于木或得其桷音角无咎虞翻曰巽為木桷象

曰或得其桷順以巽也孔穎達曰之木而遇堪為桷

三相保故无乘剛之咎俞珍曰三非應故曰或

焦疏曰回翔木杪其飛漸高或得平柯猶暫棲息可

進而不遽進也其昶案鴻之飛隨道塗所經自山

下之干水中之磐大陸之地平柯之木以至高陵之

中天衢之上以漸而進鴻不木棲之木而得桷或九

可暫安言能稱物之宜也巽稱而隱故動不窮

五鴻漸于陵婦三歲不孕終莫之勝吉張浚曰二至

上為象曰終莫之勝吉得所願也王弼曰各履正而

陵得所願矣進以正邦三年有成成則道濟錢志立

曰二五以德相匹婦至三歲不孕然五一於二以謂

更无有勝之者華學泉曰二不輕進五不輕任相

須之久相信之深也鄭杲曰有婦如此得所願矣

漸

易五

三

抱潤軒

三歲不三孕亦漸之義也○劉文鳳曰終莫之勝吉言
妾媵不得以不孕之故而奪其正也此可釋大戴記
七出中无子之疑○其昶案爻之陰陽相應有一
之位初與四應二與五應三與上應猶之一夫一婦
截然不可亂聖人畫卦以嚴男女之別正夫婦之道
最是易中大義有夫婦而後有父子有君臣故易象
於夫婦言上九鴻漸于陸其羽可用爲儀吉惠士奇
之綦詳上九鴻漸于陸其羽可用爲儀吉陸天
衡也天文有象曰其羽可用爲儀吉不可亂也王弼
北陸西陸象曰其羽可用爲儀吉不可亂也日進
處高潔不累於位无物可以屈其心而亂其志義
清遠儀可貴也○沈該曰卦之上至高也巽之極至
潔也○胡炳文曰二居有用之位則不素飽上在无
用之地亦足爲人表儀卓然不可亂士大夫之出處
於此當有取焉○毛奇齡曰儀舞也書鳳凰來儀文
舞用羽名羽舞不可亂謂羽舞有次第○孔廣森曰
一南一北皆以陸爲終鴻得陸而止詩云鴻飛遵陸
公歸不復○姚配中曰春秋考仲子之宮初獻六羽

何休注云羽者鴻羽也所以象文德之風化疾也是
古者文樂用鴻羽○其昶案鴻之高飛遵陸既可貴
矣卽其羽毛落於人間者亦可用作樂舞蔡邕月令
章句云侑舞列也有俯仰張翕之容行綴長短之制
人之動而有節者莫若舞肆舞所以動陽氣而
導物也不可亂謂舞之有節而陽不可變也

三三兌下震上
中爻離坎

歸妹征凶无攸利

虞翻曰歸嫁也兌爲妹○王弼曰妹者少女之稱

彖曰歸

妹天地之大義也天地不交而萬物不興

虞翻曰三

交離日坎月陰陽之義配日月則萬物興震東兌西

離南坎北此象最備四時正卦○王宗傳曰天地生

成之大義而歸妹人之終始也說以動所歸妹也虞

震與兌見之曰娶九女者貴其男女繼嗣宗享不絕也○王肅曰

男女交而後人民蕃○程傳云男女交生生之道故

歸妹

易五

三

抱潤軒

前者有終而後者有始相續不窮矣○項安世曰古
言嫁例稱歸妹易帝乙歸妹詩倪天之妹是也男三
十而娶女二十而嫁男常長女常少故曰歸妹○其
昶案經傳釋詞云所猶可也此當從可訓釋文一作
所以歸妹強暴侵陵非盛時所有也此釋卦名以下釋
卦征凶位不當也无攸利柔乘剛也虞翻曰三之四
乘剛○阮籍曰臣之求君陰之從陽委之歸誠乃得
其所○陸希聲曰漸四爻得正故女歸吉歸妹四爻
失正故征凶○錢澄之曰穀梁傳云一人有子三人
緩帶因歸妹而妾媵既備生育必廣猶天地以蕃育
萬物爲義也○劉沅曰此卦專言昏嫁然女不能自
嫁必由父母或長男故不曰妹歸而曰歸妹蓋女无
不嫁而不以禮合則亂聖人特立一卦以其爲人道
之重也○其昶案咸恒言夫婦之常且其義廣歸妹
得名專言昏姻所以濟夫婦之窮也昏義云昏禮者
禮之本也疏云昏姻得所則受氣純和生子必孝事

君必忠歸妹本泰也三四往來而成兌震位皆不當
三又乘剛是不得所也故征凶无攸利太史公言妃
匹之愛君父不能得之於臣子既驩合矣或不能成
子姓能成子姓矣或不能要其終豈非命也哉惟能
知敵乃能永終能不嫉妒而後子孫眾多是謂天地
之大義說以動不嫉妒之謂也穆木桃天之詩男女
以正昏姻以時國无鰥民序詩者皆云后象曰澤上
妃之所致可謂能得歸妹之大義者矣
有雷歸妹君子以永終知敝劉向曰雷以二月出其卦曰豫言萬物隨雷出
地皆逸豫也以八月入其卦曰歸妹言雷復歸入地
則孕毓根莖保藏蟄蟲避盛陰之害○王弼曰歸妹
相終始之道也故以永終知敝○蘇軾曰歸妹女之
方盛者也凡物之敝必自其方盛而慮之迨其衰則
无及矣○程傳云永終謂生息嗣續永久其傳知敝
謂知物有敝壞而爲相繼之道○丁晏曰永者夫婦
長久之道永則可以有終敝者男女淫佚之行敝則
必不能永自然之理也思其永而防其敝君子有戒

心焉○其祖案劉子政所云蟄蟲即潛龍也避盛陰
之害而藏於澤中不輕用也董子曰天地之氣不致
盛滿不交陰陽是故君子甚愛氣而謹游於房以體
天也是故新牡十日而一游於房始衰者倍中
衰者倍始衰大衰者以月當新牡之日而上與天地
同節矣董子之言亦所以孕育根荑保藏性命避盛
陰之初九歸妹以娣跛能履征吉張浚曰兌下為象
害也
曰歸妹以娣以恆也跛能履吉相承也虞翻曰初无
征吉○王弼曰少女而與長男為耦非敵之謂○孔
穎達曰為妻而行則凶為娣而行則吉○胡瑗曰跛
者足之偏姪娣非正配而能盡其道以事君子猶足
雖偏能履地而行○程傳云娣雖賢承助其君而已
○郭雍曰无應无歸因人之歸而為姪娣○姚配中
曰夫婦之道不可以不久无子出嫉妒出則夫婦之
道不恆白虎通云備姪娣從者為其必不相嫉妒也
一人有子三人共之若己生之是為娣者所以絕嫉

妒廣嗣續以恆夫婦之道故曰以恆也嫡无子姪娣有子亦不出所以必有姪娣之義○其昶案化陰則能承九二眇能視利幽人之貞虞翻曰離目不正故

幽人象曰利幽人之貞未變常也王弼曰雖失其位而

○本義云眇能視承上爻而言陽剛得中女之賢也

○郭雍曰二賢女守其幽獨之操不奪其志○折中

云曰以兩而明夫婦以兩而成眇者一昏而一明也

幽人雖失所仰望而其志炯然故曰能視○喬萊曰

初陽也賤而才者二又中也才而賢者其柏舟黃鵠

之流與履所以行視所以明也能行故相其夫而吉

能明故燭於禮而貞○其昶案二十五剛柔失位水火

相滅爲女子失夫而幽貞自守之象故无吉占婦道

以柔爲正幽人則以剛爲正六三歸妹以須反歸以

未變常言九二之不可化也

娣曰惠士奇曰反歸出也穀梁傳云婦人謂嫁曰歸反

歸妹

歸妹

歸妹

歸妹

歸妹

歸妹

者長女之稱天文星占織女為處女須女為既嫁之
女說文嬀女字也賈侍中說楚人謂姊為嬀象

曰歸妹以須未當也本義云六三陰柔不中正又為說之主女之不正者○馮經曰

三即柔乘剛无攸利者○其昶案鼎初六鄭注云君

夫人犯六出則廢之遠之左傳疏云夫人薨不更聘

必以姪娣媵繼室一與之醮則終身不二所以重昏

姻固人倫又隱元年杜注云元妃死則次妃攝治內

事案嫡夫人出當亦如之以須未當故以娣攝兌少

女初在兌下為娣三互離中女其須也嫁而反歸故

无攸九四歸妹愆期遲歸有時陸績曰象曰愆期之

利志有待而行也石介曰愆期待年也待時之義得禮而行是所宜也○姚配中曰坎離皆

不正故愆期穀梁集解許叔重云姪娣年十五以上

能共事君子可以往往二十而御引此經以證是以愆

期為待年包世榮云非禮不行三族不虞亦不行皆

為愆期當兼言之○其昶案愆差違也過不及皆愆

也期謂二十而嫁之期論成卦之象三之四位不當故彖之征凶正指四而四反不言征凶者爻有變化之義動之正則不凶之正是待禮而行也特居坎陷之中不能不愆期耳此言四欲化陰以應初而未能遽化

六五帝乙歸妹其君之袂不如其娣之袂良月

幾望吉

虞翻曰坎月離日兌西震東日月象對故曰幾望○宋書升日月幾望震象也離為日其中

坎合月望然離坎又分動象所謂日月之行也離陰在下為巽其光方進而未中日朝之象離陰在上為兌其光已退而過中日夕之象坎陽在下為震其光方進而未正月漸趨於望之象坎陽在上為艮其光已退而失正月漸趨於晦之象此卦下兌為日之夕上震為月之朝日下月上而月之明生於象曰帝乙歸妹不如其娣之袂良也其位在中以貴行也

乾鑿度云

美帝乙之嫁妹順天地之道以立嫁娶之義義立則
妃匹正妃匹正則王化全又云殷錄質以生日爲名
玄孫之孫外絕恩矣故易之帝乙爲成湯書之帝乙
六世王同名不害以明功○薛溫其曰至尊之妹必
歸於夫人倫之正○胡炳文曰月幾望以德言陰盛
而可與陽對也○許桂林曰文王爲商臣恪守西藩
故稱本朝盛事以爲後法曰高宗伐鬼方曰帝乙歸
妹○其昶案論語短右袂孔曰便作事良猶便也女
君貴不任勞役之事故不如其娣之袂便詩碩人傳
云夫人德盛而尊嫁則錦衣加褰襜箋云莊姜自近
郊正衣服乘車馬以入君之朝皆用適夫人之正禮
蓋娣之袂良者取便作事適夫人則重禮服王姬車
服下后一等故曰以貴行上六女承筐无實士刲羊
此見古適妾尊卑之辨上六女承筐无實士刲羊
反羊无血无攸利也○文匡飯器筥也又引易云刲刺
夫之曰无血之象曰上六无實承虛筐也左傳云士
羊非特殺者象曰上六无實承虛筐也刲羊亦无

益也女承筐亦无貺也○鄭康成曰宗廟之禮主婦奉筐米士昏禮婦入三月而後祭行○陸希聲曰承筐无實則助奠之禮不成○封羊无血則祭廟之誠不至以柔乘剛下无其應士女子之行病於斯矣歸妹人之終始故於卦之終而著道之微焉○程傳云上六无應女歸之无終者婦不能奉祭祀乃夫不能承祭祀也○胡炳文曰陰虛而无應故有是象○其昶案士者震也下卦兌羊三體兌互坎血卦不與上應爲无血之羊以市脯供祀非敬也女者兌也上承震筐上六陰虛无實不與三應故三承虛筐謂儀不及物也記曰昏禮者將合二姓之好上以祀宗廟而下以繼後世也是故不能承先者卽不能繼後傳釋女承虛筐而歸罪於士之无實夫婦一體故也三之乘剛无攸利卽上之无攸利矣

三

三

三

易五終